



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Laudes Alphonsi Ducis Calabriae de uictoria eius clarissima.

urn:nbn:de:hbz:466:1-13534

Ludit indulgens speculi. perinde
Somnia & mentes capiunt, amantq;
Somnia mentes.

I' puer, nocti caue sacra, nocti
Tura succendens. per opaca noctis
Vmbra uersatur. uolat usa noctis
Vmbra fauore.

Nox parit somnos, hominum quietem.
Hi uocant imis animas Auernis
Morte contempta, & simulacra uiuis
Mortua iungunt.

Vos pijs manes, memores senectæ
Vltimæ iam, sacrificæ ex acerra
Munera hæc, stacten capite, & Sabeæ
Mercis honores.

Dumq; nos rursum Elysijs in recessu
Iungat obstringens amor, haud grauari
Et senis somnos Ariadna, amatum &
Visere lectum.

LAVDES ALPHONSI ARAGONEI
Ducis Calabriae, Ferdinandi Regis filij,
de clarissima eius uictoria.

Et dijs cultus placet, & deorum
Addecet cultus simulacra summos,
Addecet montes nemora, & strepentem
Populus amnem.

Littus & gemmæ, mare classis ornat,
Aera & lux, aurea tecta diuûm
Sydera illustrant, uaria & coruscis

VERSUS

Signa figuris.

At virum ingentis animos & ornat
Excitans laus, & colit. o' puellæ
Mentis altrices, meritos honores

Reddite laudi.

Herculem laus ad Nemees leonem,
Herculem ad Lernæ anguineos tumultus
Impulit, postq; emeritos labores

Rettulit astris.

Liberum laus Niliacæ ad trophæa
Traxit, hinc ad Gangaridum Triumphos.
Lyncibus tandem ad superos relata

Templa dicavit.

Hæc Alexandrum penetrare ad Indos,
Ad mare ignotum, Libycæq; arenas
Compulit, sic, ut nihil ante maius

Viderit ætas.

Cæsarem dehinc innumeris trophæis
Et mari, & terra, oceanoq; partis
Extulit laus. hoc superante victus

Concidit orbis.

Patrij cultus studium, & salutis
Publicæ laus, Scipiaden ad Afrum
Littus impetit iuuenem, unde Roma

Libera risit.

Par amor, par & studium, fidesq;
Traxit Alfosum, procul ut repulso
Ausonis tellus, siculumq; littus

Riserit hoste.

Hunc pater rex, hunc Italus senatus

Laudet, hunc matres pueris receptis,
 Virgines hunc ingenue, ac per aras.
 Sacra frequentent.

AD AMOREM.

d Ic age ecquis nam modus o' deorum
 Victor, & princeps amor? ecquis ordo
 Dic rogo? ecquæ lex oculis? amantum
 Dic age rector.

Nec modus quisquam, neq; lex, nec ordo
 Vllus est, uates oculis. amandi
 Rector & dux est animus, suoq;
 Mens cita ductu.

Hanc mouent curæ, cupidiq; sensus,
 Acris & uersans agitât Cupido,
 Blandiens secum trahit & uoluptas
 Inſita cordi.

Hi duces, hi ſunt oculis miniſtri,
 Mutua inter ſe aut uarians amantum
 Cura, quam ſenſus ſequitur uidendi,
 Motus & exter.

Tu tuæ morem placidus puellæ
 Et gere, & molle imperium ferendo
 Illius uincas animos, trahasq;
 In tua uota.

Hinc tibi & blandos oculos, & illos
 Hinc tibi uultus faciles parabis,
 Iure quis felix tibi, & inuidenda
 Sorte habearis.

Hic modus, lex hæc oculis, & ordo.